

Che sī góa khì hoe-tiàm siōng-pan liáu-āu tē-saⁿ-pái kòe chēng-jîn-chiat. Tú-chiah khai-káng ê sî, góa ê hū-jîn-lâng án-ni kóng. “Hit-ê o-jí-sáng chin ték-piát. Múi-chít-pái kòe chēng-jîn-chiat lóng lâi bé-hoe. Kap í-chêng siāng-khóan, tiām-tiām kéng kúi-lúi phang-chúi pek-háp kap mûi-kùi-hoe.”

“Oeh! Sió-chiá, mâ-hôan lí kā góa pák hoe-sok, kán-tan tiôh hó.”

I ê kháu-khì thiaⁿ--khí--lâi bô ū jīm-hô ê hí-lòk. I ê bīn-iông khòaⁿ--khí--lâi iā bô ū jīm-hô ê kî-thāi. Góa ê hū-jîn-lâng chin hòⁿ-kî, iōng chhì-thàm ê ōe tùi i kóng:

“O-jí-sáng, góa thè lí pák khah súi leh!”

“-bián lah, góa tíg--khì chiū súi beh chhah tī kan-á lâi-té. Thán-péh kóng, góa ê khan-chhiú í-keng lī-khui sè-kan, kám-siā lí ê hó-ì kap pang-chān.”

Eng-àm, góa kui-mê bô-khùn, o-jí-sáng só kóng ê ōe tī thâu-khak lâi sèh-lâi sèh-khì. Góa kap hū-jîn-lâng hō o-jí-sáng ê chin-ài kám-tōng, góa ê sim kú-kú bōe-ōe pêng-hòk. M-chai sím-mih sî-chūn, góa ê bák-chiu ná ē cháu soa-á jíp--khì.

2003/08/06(女兒生日)